

Kusoo dhawow dugsiga xannaanada!




Waxaa la gaaray wakhtigiii la bilaabi lahaa dugsiga xannaanada?



In dugsiga xannaanada la bilaabo waa wakhti ku cusub adiga iyo ilmahaagaba oo xiiso badan leh. Waxaan rajaynanaa inaad maqsuud ku dareentaan oo wakhtiga dugsiga xannaanada aad joogtaan uu noqdo mid baashaal ah, isku aamin qabid oo qoysku uu wax badan ka barto. Halkaan waxaad ka akhrin kartaa waxaan u fidinno carruurta iyo adigaba haddaan nahay dugsiyada xannaanada Magaalada Göteborg. Haddii aad su'aalo qabtid waxaad mar kasta kala hadli kartaa shaqaalaha dugsiga xannaanada, ama la xiriir adeegga dugsiga xannaanada.

Soo dhawow!



**Wixii warbixin intaa
dheer waxaad ka
helaysaa goteborg.se/
forskola oo kusoo gud-
bin kartaa fikarkaaga
ku saabsan dugsiga
xannaanada.**



Waxbarashada carruurta iyo horumarkooda baa xuddun u ah.

Dugsiga xannaanada wuxuu ilmahaagu ka baranayaa waxyaalo cusub oo horumar samaynayaa iyadoo loo marayo ciyaar, wax allifid oo ay iskood wax u baar-baaraan, iyagoo wax la samaynaya dadka waawayn (shaqaalaha). Waxbarashada dugsiga xannaanada wuxuu aasaas u yahay waxbarasho nolosha oo dhan soconaysa.

Dugsiga xannaanada waxaa qayb ka ah waxbarasho dhiirigelinaya xujaynasana carruurta iyadoo laga duulayo hadafyada manhajka waxbarashada. Iyadoo la akhriyo manhajka dugsiga xannaanada baa wax laga sii ogaan karaa hadafyada iyo hawsha aan hayno. Manhajka waxbarashada wuxuu ku jiraa skolverket.se.



Jojo wuxuu dharka sare ee uu iska bixiyay suray katabaankiisa.

Aabe wuxuu salaamayaa shaqaalaha ka hor intuusan u gacan haatin oo maca salaameyn.




Jojo wuxuu quraac la cunayaa saaxibadiis horay u yimid.



Maxaa maantay dhici doona? Muusiig iyo dheel ama wax allifid midabo iyo qaabayn leh. Laga yaabaa inaan wax xisaabinno, borogaraamayn, wax ka barano deegaanka dabiiciga ah ama dhisno sayruukh? Mise waxaan u aadi doonaa nawaaxiga socod/safar wax cusub lagu baranayo? Mar dhow waxaa la gaari doonaa wakhtiga qadada.



R





Qadada kaddib waa la nastaa. Abbis xoogaa buu seexanayaa. Dhowr ilmood oo kale waxay dhagaysanayaan sheeko xariir.




Markaa kaddib waxaa la gaaray wakhtiga ciyaarta iyo wax ka baar-baaridda beerta xannaanada iyo in wax xiiso leh gudaha lagu sameeyo sida in alaab horay u dhamaatay dib wax looga sameeyo, buugaag la akhriyo ama masrax la ciyaaro.

Waxaan cunnaa cunto dhexe oo waan ciyarnaa illaa laga gaarayo wakhtigii guriga la aadi lahaa.

Xiiso leh, lagu aamin qabo oo wax badan laga baranayo.

Dugsiga xannaanada waxay ilmuu ka helayaan xannaano oo annaguna kaala shaqayn doonaa siday ilmuu amni ku dareemi lahaayeen markay nala joogaan. Halkaan waxaa carruurta laga taageeraa siday horumar u samayn lahaayeen iyadoo laga duulayo baahidooda. Qaab ciyaari ku jirto baan uga faa'idaysanaa xiisaha carruurta iyo rabitaanka waxbarasho.

Ilmuu waxay daneeyaan, ra'yigooda iyo baahidooda waxay saamayn ku leedahay sidaan u qorshayno waxbarashada.



Mille wuxuu caadystaa inuu istaago jidka dugsiga xannaanada loo soo maro oo fiirsado dhismaha hoolka isboortiga cusub. Sidee u shaqeeyaa wiishka wax qaada? Waa maxay garaacu ka yeerayo? Waa wax xiiso badan leh, buu uga warramay Mille saaxii-badiis markuu ay soo wada fariisteen.

Dugsiga xannaanada baa sii maray meeshii dhismuhu ka socday si carruurta oo dhan u arkaan. Jidka markii ay soo marayeen waxay sawirro ka qaadeen dhismayaal kala duwan iyo bisad rabsho badan. Waxay soo uruuriyeeen waxyaalo deegaanka dabiiciga ah ka yimid.

**Hadda waxaan
dhisaynaa guryo
annagu aan le-
enahay. Magaalo
dhan bay noqon
doontaa!**



Markii Abbis bilaabay dugsiga xannaanada hooyaa la joogtay bilowgii oo arki kartay sida aw ula baashaalayay saaxiibadiisa cusub. Waxay abuuray is aaminaad markay aragtagtay sida shaqaaluhu ugu booriyaan, ugu dhiirigeliyaan oo u taageeraan carruurta. Waa bilow fiican oo ku aadan in la fahmo siday yihiin maalmaha caadiga ah ee dugsiga xannaanada iyo in la barto shaqaalaha.



Markii ilmahaagu bilaabo dugsiga xannaanada

In qofku ilmihiisa ku wareejiyo qof kale markii koowaad waxay keeni kartaa dareen badan. Sidaas darteed buu wakhtiga dugsiga xannaanada ku bilowdaa muddo isbarasho loogu talogalay adiga iyo ilmahaaga. Muddada isbarashada waxaad su'aalo waydiin kartaa shaqaalaha oo uga warra-maysaa wuxuu ilmahaagu u baahan yahay. Waxed kala baranaysaan ooogaanaysaan jawiga dugsiga xannaanada oo is baranaysaan shaqaalaha iyo saaxilbada cusub.

Waxaan si wadajir ah u horumarinaynaa dugsiga xaannaanada

Shaqaalaha dugsiga xannaanada waxay kula yeelanayaan wada shaqayn fiican si ilmahaagu u helo xannaano fiican oo fursad ugu helo inuu horumar sameeyo iyadoo laga duulayo duruufihiisa. Waxaan kugu casumaynaa wada hadalka horumarka ardayga halkaas oo aan uga wada hadlayno ilmahaagu siduu maqsuud u yahay, baahida horumarka iyo waxbarashada. Waxaa jira marar kale iyo goleyaal kale oo aad wada hadal nala yeelan kartid taasoo kuu suurtagelinaysa inaad qaybtaada ka qaadatid.

Sannad kasta waxaad ka jawaabi kartaa ra 'yi aruurin wata su'aalo ku saabsan sidaad u dareemaysid dugsiga xannaanada. Jawaabahaaga waxay nagu caawinayaan inaan sii fiicnaano oo horumarino shaqadeena.

Dhammaan carruuurtu waa isku xuquuq

Dhammaan carruurtu waxay xaq u leeyihiin jawi is aaminaad iyo xiiso-gelin leh, xor ka ah cunsuriyad iyo ula dhaqmid si xadgudub ah. Waxaan si firfircoona uga shaqaynaa sinnaanta carruurta iyo inaan ka hortagno xadgudub nooc walba uu leeyahay. Kala hadal adoo mudan shaqaalaha dugsiga xannaanada haddii Aad rabtid inaad wax kasii ogaatid sidaan uga shaqayno si siman ula dhaqmidda iyo heshiiska caalamiga ah ee xuquuq-da carruurta.

Ma xiisaynasaan dugsiyada xannaanada nawaaxigaaga ka jira?

Ma la gaaray markii aad dooran lahayd dugsi xannaano? Goteborg.se/forskola waxaad ka heli kartaa warbixin ku saabsan iyo xogaha la xiriiro dugsiyada xannaanada Magaalada Göteborg. Qaarkood waxay kugu soo dhawaynayaan kulamo warbixineed, qaar kale waad wici kartaa oo ka qabsan kartaa ballan aad booqasho ugu tagtid. Waan ku farxaynaa haddii aad nala soo xiriirtid!

Booska dugsiga xannaanada

- » Markii ilmahaagu buuxsho sannad wuxuu ilmuu dhigan karaa dugsiga xannaano inta aad shaqaynasid ama waxbaranasid.
- » Haddii aad fasax waalid kula jirtid ilmo ay ilmaha walaalo yihin wuxuu ilmahaagu joogi karaa 15 saacadood asbuucii. Haddii aad tahay shaqo raadis waxaad dooran kartaa in ilmahaagu dugsiga xannaanada tago 15 ama 25 saacadood. Sida loo kala qaybinayo wakhtigaas asbuuca gudhiisa waxaa go'aankeeda iska leh dugsiga xannaanada.
- » Laga soo bilaabo bisha sideedaad sannadka ilmahaagu buuxinayo 3 sano wuxuu ilmahaagu xaq u leeyahay xannaano khidmad la'aan ah 15 saacadood asbuucii.
- » Waxaad iska bixinaysaa saacadaha dhaafsiisan 15 saacadood.
- » Laga bilaabo xilli dugsiyeedka deyrta ee sannadka ilmahaagu buuxinayo 6 sano buu iskuulku khasab ku noqonayaa. Markaas buu ilmuu bilaabayaa fasalka farbaradka (ebraad) ee dugsiga hoosee dhexe.

Soo hel dugsiga xannaanada oo ka codso boos
goteborg.se/forskola

Hawlo ababin iyo xannaayn kale ah

Xannaanada ababinta waa lagu beddelan karaa dugsiga xannaanada. Qof xannaaneeya carruurta baa wuxuu gurigiisa ku qaabilayaa koox carruur ah oo yar. Carruur xannaaneeyaha iyo carruurta nawaaxiga deggan waxay mararka qaarkood ku kulmaan bannaanka iyo meelaha lagu kulmo. Manhajka waxbarashada dugsiga xannaanada baa haga hawlahooda shaqo.

Wakhtiyada ay furan yihiiin dugsiyada xannaanada

Markii ilmahaagu bilaabayo dugsi-ga xannaanada waxaad buuxinaysaa jadwal kaasoo laga arkayo wakhtiyada ilmahaagu joogayo dugsi-ga xannaana-da, iyadoo la tiixgelinayo xilliyadaada shaqo lagu daray wakhtiga safarka. Xilliyada dugsi-ga xannaanada furan yahay iyo xilliyada shaqaaluhu shaqay-nayaan waxaa lagu saleeyaa jadwalka carruurta. Ma u baahan tahay xanna-anoo carruur habeenkii ah, habeenka qaybtiiisa danbe ama maalmaha fasaxa ah waxaa jira dugsiyo xannaano habeen iyo maalinba furan. Markii aad fasax tahay ilmahaaguna sidoo kale waa fasax.

Wakhtiyoo xadidan furan

Kulaylaha waxay dugsiyada xanna-na-nadu furan yihiiin wakhtiyoo xadidan. Haddii ilmahaagu u baahan yahay xan-naano muddadaas gudaheeda waxaa jira dhowr dugsiyo xannaano oo furan xilliga fasaxa kulaylaha. Si shaqaala-ha dugsi-ga xannaanada fursad loogu

siiyo maalmo si wadajir ah xirfaddooda horumar loogu sameeyo wuxuu dug-siga xannaanadu yeelan karaa dhowr maalmood oo waxbarasho sannadkiiba. Haddii aadan fasax qaadan karin mar-ka shaqaaluhu waxbarashada leeyihiin waxaan kuu fidinaynaa xannaano, laakiin baaxadeedu xadidan tahay oo dugsiyo xannaano si gaar ah loo soo xulay ka jirta.

Waxaad maalmaha fasaxyada iyo kuwa shaqaaluhu waxbarashada leeyihiin ka helaysaa goteborg.se/forskola.

Waxaan ku shaqaynaa diiwaangelinta waxaan qabanayno

Iyadoo la adeegsanayo tusaale ahaan qoraal, sawirro, cod iyo filin duubis baan waxaan u kuurgalnaa oo diiwaangelinää horumarka iyo waxbarashada carruur-ta. Diiwaangelinta waxay noo suurta gelinaysaa inaan ogaano waxa ilmaha xiisahooda kiciya iyo sida ay wax u bar-taan xaaladaha kala duwan.

Waxay taasi nagu caawinaysaa inaan qaabayno oo horumarino waxbarashada



Dugsi-ga xannaanada waxaa jira sawirro darbiga ku dheggan. Markii Jojo iyo saaxibadiis ay wax baar-baaryaan, wax allifayaan ama baranyayaan waxay shaqaaluhu jecel yihiiin inay sawi-raan siday wax u samaynayaan. Jojo wuxuu tusayaa sawirrrada oo uga warramayaan saaxiba-diis iyo waalidiinta sida ay u baashaalayeen iyo waxyaalaha xiisaha leh ee ay barteen.

Hjärntorget

Aaladdeena kombuyutarka, Hjärntorget, waxaa laga helayaa boggeena internetka iyo app-ahaan. Halkaan waxaad ka helaysaa warbixin ka timid xannaanada oo ka heli kartaa hawlahaa aan qabano iyo waxbarashada carruurta. Waxaad koonto ka samaynsa-naysaa hjarntorget.goteborg.se.



Cunto xilliyeed- Qayb ka mid ah waxbarashada

Dugsiga xannaanada xilliga cuntada waa qayb ka mid ah xannaanada iyo shaqada waxbaridda carruurta. Maalin kasta waxaa loo qaybiyaa quraac, qado, iyo cunto u dhexaysa. Cunto xilliyeedka waxaa laga sameeyay waxyaalo kala duwan si ay u daboo-laan baahi maalmeedka carruurta boqolkiiba 65-75, haddii ay cunaan dhammaan cuntooyinka.

Göteborgs Stad haddaan nahay waxaan ka shaqaynaa in dhammaan cuntooyinka la bixiyo ay ahaadaan kuwo laga sameeyay cunto dabiici ah oo lagu calaamadeeyay inaysan bey' adda waxba yeelbyn, ay yihiin kuwo xilliyada kala duwan ku haboon oo ay ka buuxaan qudaarta cagaaran iyo digir.

Ma u baahan yahay ilmahaagu cunto gaar ah jirro darteed ama sababo diimeed/ anshax dartood. Markaas waa inaad soo buuxisid foom aad ka heli kartid shaqaalaha markii ilmuu dugsiga xannaanada bilaabayo. Markii jirro/xasaasiyad jirto waa inaad cad-dayn dhkhtar tustid.

Mamnuuc weeye lowska noocyadiisa kala duwan

Waa mamnuuc in gudaha dugsiyada xannaanada lala soo galo lows, lowska yicibta u eg iyo sisin, maadaama ay ku kicin karaan xasaasiyado culus qofka xasaasiyadaha qaba. Mamnuucidu waxay sidoo kale qusaysaa qolalka/ hoolasha, habeen iyo maalin iyo dhammaan maalmaha asbuuca.


Haddii ilmahaagu jirrado

Carruurta waa inay caafimaad qabaan si ay u awoodaan inay ciyaaraan oo ka qaybgalaan waxyaalaha lagu qabanyayo dugsiga xannaanada. Si la iskaga ilaasho jirrooyin intii suurtagal ah waxay dugsiyada xannaanadu raacaan xeerarka Gobolka Västra Götalansregionen, Kaalkaalilasa fayo dhawrka ee dugsiga xannaanada (HYFS).

Markaa ilmahaagu waa inuu guriga joogo

- » Markii ilmuuhu daallan yahay oo ay ka taallo oo uu awoodi kari waayo inuu ka qaybqaato waxyaalihii caadiga ahay ee xannaanada lagu samayn jiray.
- » Markii ilmaha qandho hayso. Ilmaha waa inaysan wax qandho ah qaban habeen iyo maalin ka hor inta aadan gayn xannaanada.
- » Markii ilmuuhu uu qabo xanuun faafa, tusaale ahaan caabuqa (ekfa-shinka) qumanka ku dhaca oo aan daawo loo qaadan ama daawa-diisa la qaadanayay wakhti ka yar 2 maalmood.
- » Markii ilmuuhu nabar fashfashay ama cambaar qoyaan leh leeyahay. Ilmuuhu wuxuu aadi karaa xannaanada markii nabarku qallalo.
- » Markii ilmuuhu qabo calool xanuun wata matag ama/yo shuban. Ilmuuhu wuxuu imaan karaa xannaanada markii aw caadi u cunteeyo oo awsan matagin ama shubmin 48 saacadood gudohood.

Shaqaaluhu caadiyan daawo ma siiyaan carruurta dhigata dugsiga xannaanada.



Taageero iyo talo

Dugsiga xannaanada waa in dhammaan carruurtu fursad u helaan inay horumar sameeyaan oo caafimaad dareemaan. Waxaan la shaqaynaa macalimiin ku takhasusay ardayda taageerada gaarka ah u baahan, dad ku takhasusay dhibaatooyinka luuqadda iyo hadalka iyo dad cilmi nafsiga ku takhasusay markii loo baahdo. Haddii aad ogtahay in ilmahaagu u baahan yahay taageero gaar ah waa inaad ku sheegtid codsiga booska dugsiga xannaanada.

Dugsiga xannaanada waxay sidoo kale wada shaqeeyaan rugaha caafimaad ka carruurtu, gacanhaye-yaasha xafiiska adeegga bulshada iyo dugsiyada hoose dhexe.

Magaalada Göteborg iyo maamulka gobolka Västra Götaland (Västra Götalandsregionen) waxay kuu fidinayaan baraaruun iyo in lagaa taageero doorkaaga waalid ama wada hadal talobixin lala yeesho qof arrimaha bulshada bartay. Kasii akhri wixii intaa dheer ee ka jira nawaaxigaaga goteborg.se/foraldrastod.

Waajib sir xajin iyo waajib kusoo wargelin

Dhammaan dadka ka shaqeeya dugsiga xannaanada waxaa saaran waajib sir xajin mana loo oggola inay xog ilmahaaga ku saabsan cid aan loo oggolayn u gudbiyaan. Shaqaalah waxaa sidoo kale saaran waajib kusoo wargelin siduu dhigayo sharciga adeegga bulshada. Taasi waxay la micne tahay in dhammaan dadka ka shaqe-


eya carruurta iyo da'yarta ay waajib ku tahay inay sida ugu dhaqsiyaha badan ugu wargeliyaan xafiiska adeegga bulshada iyo cayrta haddii iyagoo xir-fadooda gudanaya ay ogaadaan ama ka shakiyaan in ilmo halis ku jiro.

Dhammaan carruurtu caymis bay ku jiraan

Dhammaan carruurta iyo ardayda iskuulka dhigata ee ka diiwaangashan Göteborg waxay caymis uga jiraan shilalka labaatan iyo afar saac illaa ay ka gaarayaan 17 sano, ama inta ay dugsi sare dhiganayaan. Caymiska wuxuu quseeyaa keliya shilalka. Kasii akhri wixii intaa dheer oo ku saabsan caymiska carruurta iyo ardayda goteborg.se/forskola.

Khidmadda dugsiga xannaanada


Bil kasta waxaad khidmad ka bixinaysaa booska dugsiga xannaanada. Khidmaddu intay le'egtahay waxay ku xiran tahay wadarta dakhliga reerka soo gala. Waxyaa sood gudbin kartaa ama wax ka beddeli kartaa xogta ku saabsan dhakhligaaga, oo warbixin ku saabsan sidaan u xisaabinnu khidmaddaada ka heli kartaa goteborg.se/forskola.



Maamulka xannaanada

Maamulka xannaanada wuxuu mas' uul ka yahay qiyaastii 400 dugsiyo xannaano degmadu leedahay, 110 qoysaska ilmaha xannaaneeya iyo 20 dugsiyo xannaano furan oo loogu talogalay 25 000 ilmood oo Göteborg deggan. Maamulku wuxuu mas' uul ka yahay kormeerka dugsiyada xannaanada madaxa bannaan iyo qoysaska ilmaha xannaaneeya. Marka la isku daro waxaa ka shaqeeya maamulka 6000 shaqaale.





Su'aalo ma qabtaa?

La xiriir adeegga dugsiga xannaanada

Wakhtiga telefoonka isniin-jamce saacadaha
8-16.30

Telefoon: 031-365 09 60

E-mail: forskoleservice@forskola.goteborg.se

Xarunta lala xiriiro ee Magaalada Göteborg

Halkaan baad ka heli kartaa caawinaad
dhowr luuqadood ku qoran.

Cinwaanka booqashada: Ekelundsgatan 1

Waxaad warbixin intaa dheer ka
helaysaa oo fikar ku saabsan
dugsiga xannaanada ka dhiibban
kartaa goteborg.se/forskola.

